



**Imlitir 0034/2013**

**Chuibh: Údaráis Bhainistíochta Bhunscoileanna, Mheánscoileanna,  
Phobalscoileanna agus Scoileanna Cuimsitheacha Aitheanta agus  
Príomhfheidhmeannaigh Choistí Gairmoideachais/Bhoird Oideachais  
agus Oiliúna**

**Comhaontú na Seirbhíse Poiblí 2013 – 2016 (Comhaontú Bhóthar Haddington)  
agus an tAcht um Bearta Airgeadais Éigeandála ar Mhaithe le Leas an Phobail  
2013**

**Cúntóirí Riachtanas Speisialta**

**Réamhrá**

1. Is í aidhm na hImlitreach seo ná údaráis bhainistíochta, Príomhfheidhmeannaigh CGOanna/BOOanna agus Cúntóirí Riachtanas Speisialta (CRCanna) a chur ar an eolas faoi na hathruithe ar thuarastail CRCanna le teacht i bhfeidhm ón 1 Iúil 2013. Eascraíonn na hathruithe seo as an Acht um Bearta Airgeadais Éigeandála ar Mhaithe le Leas an Phobail 2013 agus Comhaontú na Seirbhíse Poiblí 2013 – 2016 (Comhaontú Bhóthar Haddington), ag féachaint d'Alt 7 den Acht.
2. Do chúiseanna na hImlitreach seo, glactar leis gurb é is ciall le tuarastal ná tuarastal a chuimsíonn liúntais i nádúr pá atá ina liúntais inphinsin seasta tréimhsiúla.

**Incrimintí agus bearta cothromaithe ábhartha**

3. Do CRCanna ar thuarastail faoi bhun €35,000, beidh reo incriminte amháin trí mhí i bhfeidhm. Tiocfaidh sé seo i bhfeidhm i ndiaidh don chéad incrimint eile a bheith íoctha, leis an incrimint ina dhiaidh sin á bronnadh i ndiaidh 15 mhí murab ionann agus 12.
4. Do CRCanna ar thuarastail idir €35,000 agus €65,000, beidh dhá reo incriminte trí mhí i bhfeidhm. Tiocfaidh sé seo i bhfeidhm i ndiaidh don chéad incrimint eile a bheith íoctha, leis an chéad dá incrimint eile á mbronnadh i ndiaidh 15 mhí murab ionann agus 12 mhí.

5. Nuair a sháraíonn tuarastal CRC €35,000 le linn an Chomhaontaithe, beidh dara reo incriminte trí mhí i bhfeidhm, faoi réir na socruithe do mhúinteoirí ar thuarastail idir €35,000 agus €65,000 mar a luaitear in alt 4 thuas.
6. Beidh socruithe ar leith ann do CRCanna ar thuarastail idir €35,000 agus €65,000 atá ar uaspoinnte an scála incrimintigh nó a shroicheann uaspoinnte an scála i ndiaidh tréimhse incriminte 15 mhí. Cuirfear na socruithe seo in iúl i litir ar leithligh.

#### **Asbhaint a Bhaineann le Pinsean – Leasú Ráta:**

7. Laghdófar na rátaí don Asbhaint a Bhaineann le Pinsean sa ráta banda €15,000-€20,000 go dtí 2.5% ó 5% le feidhm ón 1 Eanáir 2014. Ón 1 Eanáir 2014, is iad seo a leanas na rátaí a bheidh ann don Asbhaint a Bhaineann le Pinsean:

<b>Bandáí agus Rátaí</b>	
Faoi bhun €15,000	Díolmhaithe
€15,000 - €20,000	2.5%
€20,000 - €60,000	10.0%
Os cionn €60,000	10.5%

#### **Scálaí Tuarastail d'Iontrálaithe Nua**

8. D'fhonn aghaidh a thabhairt ar an éagothroime idir na daoine sin a chuaigh isteach sa tSeirbhís Phoiblí ó 2011 agus iad siúd a chuaigh isteach roimh an dáta sin, ba chóir scálaí tuarastail incriminteacha leasaithe a ullmhú d'iontrálaithe ar an ngrád céanna chuig gach earnáil seirbhíse poiblí mar is gá chun na leasaithe ar scálaí tuarastail a tugadh isteach ag Cinneadh Rialtais in Eanáir 2011 a chur san áireamh. Tabharfaidh an Roinn fógra d'fhostóirí faoi na scálaí tuarastail incriminteacha leasaithe in am trátha.

#### **Pinsin**

9. Maidir le CRC a théann ar scor ar an 31 Lúnasa 2014 nó roimhe sin, déanfar a s(h)ochair aoisliúntais a ríomh trí thagairt do na scálaí pá atá i bhfeidhm ar an 30 Meitheamh 2013.
10. Nuair a théann CRC ar scor ar an 31 Lúnasa 2014 nó roimhe sin ar phinsean níos airde ná €32,500, beidh an pinsean sin faoi réir an Laghdaithe Pinsin Seirbhíse Poiblí (LPSP) mar a fhoráiltear dó san Acht um Bearta Airgeadais

Éigeandála ar Mhaithe le Leas an Phobail 2013 atá i bhfeidhm ar an 1 Iúil 2013 agus ina dhiaidh.

11. Is féidir eolas ar na forálacha LPSP san Acht 2013 a fheiceáil ar shuíomh gréasáin na Roinne Caiteachais Phoiblí agus Athchóirithe ag: <http://per.gov.ie/faqs-on-haddington-road-agreement-2/>

### **Scaipeachán**

12. Déan cinnte, led' thoil, go dtugtar cóipeanna den Imlitir seo don Bhord Bainistíochta/Coiste Gairmoideachais/Bord Oideachais agus Oiliúna agus go dtarraingítear aird na CRCanna uile atá fostaithe agat, iad siúd atá ar chead neamhláithreachta san áireamh, ar ábhar na hImlitreach seo
13. Is féidir an Imlitir seo a rochtain ar shuíomh na Roinne faoi <http://www.education.ie> .

Padraig Maloney  
Rannóg Párolla  
27 Meitheamh 2013